

# Reclamacións e/ou Segundas Correccións

Sobre a cualificación outorgada de cada materia despois da primeira corrección e no prazo de tres días hábiles contados a partir da data de publicación das cualificacións, cada estudante poderá presentar solicitude de:

- **Reclamación e/ou**
- **Segunda corrección**

As solicitudes de reclamación e segunda corrección poderán presentarse no lugar de entrega e recollida de documentación (LERD) no cal se entregou a solicitude de matrícula para a proba de Avaliación de Bacharelato para o Acceso á Universidade (ABAU), empregando os impresos específicos a tal efecto, ou a través da aplicación informática NERTA, non sendo preciso neste caso a entrega das solicitudes nos LERD.

RECLAMACIÓNS e/ou SEGUNDAS	CONVOCATORIA DA ABAU	
	ORDINARIA – XUÑO 2019	EXTRAORDINARIA – XULLO 2019
<b>Prazo de Solicitude</b>	<b>29 xuño ao 3 xullo (ata as 14:00)</b>	<b>26 ao 30 xullo (ata as 14:00)</b>

## 1.- Reclamacións:

Unha vez publicadas as cualificacións provisionais, o alumnado poderá presentar unha solicitude de Reclamación ante o presidente do Tribunal da Comisión Organizadora das probas de Avaliación de Bacharelato para o Acceso á Universidade (ABAU), sobre a cualificación outorgada a cada unha das materias das que se fixese exame, naqueles exercicios nos que se considere incorrecta a aplicación dos criterios xerais de avaliación e/ou específicos de corrección.

Os exercicios sobre os que se solicite reclamación serán revisados co obxecto de verificar que todas as cuestións fosen avaliadas cunha correcta aplicación dos criterios xerais de avaliación e/ou específicos de corrección, así como a comprobación de que non existen erros materiais no proceso de cálculo da cualificación outorgada.

A cualificación definitiva da materia ou materias obxecto da reclamación será a que resulte do antedito proceso de revisión, sempre que esta sexa superior á outorgada na primeira corrección, agás nos casos de erros materiais de cálculo da cualificación, nos que a cualificación será a que resulte do cálculo correcto.

A presentación de Reclamación nunha determinada materia excluírá a posibilidade de solicitar segunda corrección na mesma.

RECLAMACIÓNS	CONVOCATORIA DA ABAU	
	ORDINARIA – XUÑO 2019	EXTRAORDINARIA – XULLO 2019
Publicación das notas	<b>28 xuño</b>	<b>24 xullo</b>

## 2.- Segundas correccións:

Publicadas as cualificacións provisionais, o alumnado poderá presentar, ante o presidente do Tribunal da Comisión Organizadora das probas de Avaliación de Bacharelato para o Acceso á Universidade (ABAU), solicitude dunha segunda corrección dos exercicios nos que se considere incorrecta a aplicación dos criterios xerais de avaliación e/ou específicos de corrección.

Os exercicios sobre os que se presente unha solicitude de segunda corrección serán corrixidos por un profesor ou profesora especialista distinto ao que levou a cabo a primeira corrección.

A cualificación resultará da media aritmética das cualificacións obtidas nas dúas correccións. No suposto de que existise unha diferenza de 2 ou máis puntos entre as dúas cualificacións, o tribunal efectuará, de oficio, unha terceira corrección. A cualificación final será a media aritmética das tres cualificacións.

Este procedemento efectuarase no prazo máximo de cinco días hábiles, contados a partir da data de finalización do prazo establecido anteriormente.

<b>SEGUNDAS CORRECCIÓNS</b>	<b>CONVOCATORIA DA ABAU</b>	
	<b>ORDINARIA – XUÑO 2019</b>	<b>EXTRAORDINARIA – XULLO 2019</b>
<b>Publicación das notas</b>	<b>28 xuño</b>	<b>24 xullo</b>

Sobre a cualificación outorgada despois do proceso de Segunda Corrección, o estudante poderá presentar reclamación ante o presidente do Tribunal da Comisión Organizadora das probas de avaliación de Bacharelato para o acceso á Universidade, no prazo de tres días hábiles, contados a partir da data de publicación da resolución da segunda corrección. A cualificación definitiva será a que resulte desta revisión, sempre que sexa superior a outorgada na segunda corrección.

<b>RECLAMACIÓNS ás SEGUNDAS CORRECCIÓNS</b>	<b>CONVOCATORIA DA ABAU</b>	
	<b>ORDINARIA – XUÑO 2019</b>	<b>EXTRAORDINARIA – XULLO 2019</b>
<b>Prazo de Solicitude</b>	<b>29 xuño a 3 xullo (ata as 14:00)</b>	<b>26 ao 30 xullo (ata as 14:00)</b>
<b>Notas definitivas</b>	<b>4 de xullo</b>	<b>31 de xullo</b>

### **3.- Ver as probas:**

Publicadas as cualificacións definitivas despois do proceso de Segunda Corrección, o alumnado -ou, no caso dos menores de idade, o pai, nai ou titor legal-, terá dereito a ver as probas revisadas unha vez finalizado na súa totalidade o proceso de revisión establecido, no prazo de dez días desde a publicación da resolución coas cualificacións definitivas. As solicitudes irán dirixidas ao presidente do Tribunal da Comisión Organizadora das probas e deberán presentarse nalgún dos LERD.

<b>VER PROBAS</b>	<b>CONVOCATORIA DA ABAU</b>	
	<b>ORDINARIA – XUÑO 2019</b>	<b>EXTRAORDINARIA – XULLO 2019</b>
<b>Prazo de solicitude</b>	<b>5 ao 8 xullo (ata as 14:00)</b>	<b>1 e 2 (ata as 14:00) agosto</b>
<b>Data para ver as probas</b>	<b>15 de xullo</b>	<b>5 de agosto</b>
<b>Nota:</b> a hora e o lugar exacto da Facultade de Dereito da USC (Campus Vida) para poder ver as probas será anunciado na web da CiUG.		

### **4.- Outros recursos:**

Contra a resolucións adoptadas pola Comisión Organizadora, que porá fin á vía administrativa, poderá interpoñerse, no prazo dun mes, recurso potestativo de reposición perante a propia comisión. Neste caso non se poderá interpoñer o recurso contencioso-administrativo mentres non se dite resolución expresa ou presunta do recurso potestativo de reposición.